

www.BibleForChildren.org

Madiu 8



Segeyo äudä nelolahilä osodagi, Disiligi Galiliie Gaina segea ami, dolö afädëie udia ifosebea Yesuie emea amo bea asi. Iia Yesuge ie bögëla aulo amolige misialola wesebegi, ili awälahilä, udia ifosebea ami nelo.



Wani ödä amo hä maadei gabugi, Yesuie emea ema sähalea, Iia wani ödä amo hä, maadei gabuwela säi. Amala säsebegi, emea oböla hamoi hamolasilo amolima sähalea, Ea dilima nelebo afädë hamomalola säседа, dilia amo nabala hamomalola säi.



Amala säsebegi, Yesuea hamoi hamolasilo
amolima sähalea, Gobo i gogi ödä osaha
maademalola säi. Amala säsebegi, ilia ea
säsebe amo gadola, osala nobaha maadei.



Amala hamosebegi, ea ilima sähalea, Ödä
usi gogi odoa neala gaula, molö sigi aligilo
neebea ami mosalola säi. Amala säsebegi,
ilia amo gadola hamolahilä, gaula asi.



Gaula awälähilä, molö sigi aligilo amoma iasebegi, ea ödäfalia wani ödä hamoi amo na bealahilä, abidi niidula asusugai. Hamoi hamolasilo dolö, ödä usi gaula mulo amoliamuda, dawadigi nelo. Amala asusugalahilä, ea udia goa amo welahilä, ema sähalea, . . .



. . . Udia dolö molö molö misialola säi misi sefolalebe
amoli wani ödä hedabi amo dafidi muäia osala iia
awälahilä, udia dolö amoli
edefade naala gagaosa
neëgi, wani ödä fea amo
odoa muäia ilo negei
gaso, wani ödä hedabi
amo musügä negei
dilolahilä, dia
oböla hobeala
gaula misi
gabula säi.



Yesuea dolöea hamomolöi made gadoi dafidi mi gävila
hamoi amoda, Disiligi Galiliie gaamu
Gaina amidale hamoi. Ea amo
hamoi amoda, ie geloi hido
elöi dilo amo olei.




Amala hamosebegi, ie bægëla aulo amolia
ema asigi afädë negei.



Yesu e Fidaie mosöa awälahilä, Fidaie esöa hëgi
olo oloi dibe meli.



Bealahilä, ea udia amoie naabogi diigisebegi, dafidi
hëgi olo dilo amo damulebe, udia amea nowelahilä,
Yesu e molö muäia neala i.



Deadi eso digase gaalu, udia dolö nefolalo amolia oloi difolalo amoli neala gaula, mugabe fedai nefolalo amolige sigi gaula digila Yesu neebea ami gegedoi. Gaamugi ami udia dolö nefolalo amoli sulubadela idi galo hadai daia amimu gegedoi.



Amala hamosebegi, Yesuea udia dolö yafie olo elö elöla oloi difolalo amoli wahila digi, mugabe fedai yafie nefolalo amoli nesila digila digisa nelo. Amala hamosebegi, mugabe amolia Yesu eda gowe neala dawadigi nefolalebegi, Yesuea mugabe amolima dilia adomabula säi.



Säla iaha nebegi, dolö afädë fii si sulo amo e neebea
ami, dolö biyidiaea iwasala gaula misi.



Udia dolö yafie negegi amea, ilia
dolö amo Yesu neebee gaula moholö
uli gabugi, mosö figidaia gaula fedalahilä,
Yesu e neebe amo gaalu mosö figi dusuia
galahilä dolö iwasala gaula misi dafu amo
mumusogi salisi.



Ilia asigi afädë negei nea hamosebe amo bealahilä,
Yesuea dolö fii si amoma
sähalea, Nie malö, dia
nafade hamoi amoli na
hësa maadeimelëla
säi. Na dima
sähago. Di nowela
die fëo neala gaula
dihï mosöa
mosalola säi.



Yesu e ödä duugi awäsebegi, ie bögëla aulo amolige e bögëla asi. Awäha dibegi, oeabo amogi fo edefademalä fodolofali gelola maalahilä, ödä aidagula maala, du dabedelä hamosebe meli. Amasebegi gaso, Yesu e adi elaboi dilo.



Amala säsebegi, ea säla obägësalea, Asigi holöfali
negei nefolalebela dilie, edogi bedäha dialeala säi.
Amala sälahilä e nowela, fole ödälema nemosebegi, hä,
dofä gadaeala aumalasi. Dolö amolia fudugilahilä
sähalea, Dolö goweda nowë
gadoidu. Folea ödäleada
ie ado nabelo
gabula säi.



Godea udia dolö sege sulubadelagi
nefolalebe amoli boba hamolahilä, ie
malö afädëfali nelo amo i. Ie malöma
asigi afädë negei nefolalebe amoli,
made baagola namolöi namolö
amo neala gaumäiaie
imele.



Yone 3:16,17 Godea udia dolö sege sulubadelagi nefolalebe amoli boba hamolahilä, ie malö afädëfali nelo amo i. Ie malöma asigi afädë negei nefolalebe amoli, made baagola namolöi namolö amo neala gaumäiaie imelë. Godea ie malö amoda udia dolöbalä gudimolöie fisiga wei made. Udia dolö sege sulubadelagi nefolalebe amoli damula mosäia fisiga weimelë.

1 Yone 5:11-13 Amaimo, ado säla i amoda gowe. Godea niligali namolöi namolö i. Ie malömadila namolöi namolö amo i. Afädëa ie malöma dila neebe ameadä namolöi namolö amo gaula nea. Afädëa ie malöma dila made neebe ameadä namolöi namolö amo made gaula nea. Godeie malöie ëigi asigi afädë negei nefolalebela dilie, dilia namolöi namolö gaula nebego dawadigimäia, na dilima ado gowe dëdëla iasisago.



Madiu 8-9; Maga 1-2, 4; Luke 4, 8; Yone 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Edolo NT (etr) © 2022, Wycliffe Bible Translators, Inc. All
rights reserved.

<https://live.bible.is/bible/ETRTBL/MAT/1>

©2026 Bible for Children, Inc.

www.M1914.org

www.bibleforchildren.org

